

Dialog 1

<i>cameriera:</i>	Bien di. Tgei sai jeu far per Vus?
<i>Giuanna:</i>	Nus vein fomaz e magliassen bugen enzatgei. Astgassen nus ver la carta?
<i>cameriera:</i>	Secapescha! Vesses bugen enzatgei da beiber ordavon?
<i>Giuanna:</i>	Gie ... In miez liter aua, bugen!
<i>cameriera:</i>	Cun gas ni senza?
<i>Giuanna:</i>	Senza.
<i>cameriera:</i>	Bugen ... E Vus?
<i>Marc:</i>	Jeu vess bugen treis decis Coca-Cola.
<i>cameriera:</i>	Ok ... Schiglioc aunc zatgei?
<i>Marc:</i>	Na, engraziel.
<i>Giuanna:</i>	Jeu era buc. Engraziel.
<i>cameriera:</i>	Tiptop, lu portel jeu grad la carta! Mo in mument.
5 minutas pli tard	
<i>cameriera:</i>	Veis Vus schon decidiu tgei prender?
<i>Giuanna:</i>	Gie, jeu vess bugen ina salata verda ed ils capuns.
<i>Marc:</i>	Ed jeu prendess bugen ina suppa da giutta e suenter in cordon bleu cun pomfrits. Ils pomfrits senza sal. Mo cun bia ketschup e maionnesa.
<i>cameriera:</i>	Quei ei bien. Fuss quei tut?
<i>Giuanna:</i>	Cuntegn Vossa sosa da salata agl?
<i>cameriera:</i>	Gie, in tec.
<i>Giuanna:</i>	Astgass jeu lu forza far mezza la sosa da salata cun ieli ed ischiu?
<i>cameriera:</i>	Gie, naturalmein, quei ei buc problem. Mo in mument, lu portel jeu la prespisa.

Dialog 2

All'entrada:	
<i>camerier:</i>	Buna sera. Veis Vus reservau ina meisa?
<i>Ramun:</i>	Gie, jeu hai reservau sil num Jemmi. Nus essan en treis.
<i>camerier:</i>	Ah gie, cheu, jeu vesel. Vus saveis vegnir cun mei. Jeu accumpognel Vus a Vossa meisa.
Alla meisa:	
<i>Ramun:</i>	Super! Engraziell!
<i>camerier:</i>	Astgel jeu purtar enzatgei da beiber a Vus?
<i>Luisa:</i>	Gie bugen, nus vessen bugen ina gronda butteglia aua minerala cun gas.
<i>camerier:</i>	Fetg bugen. Schiglioc aunc enzatgei? Forsa in pign aperitiv?
<i>Luisa:</i>	O, gie bugen. Tgei saveis Vus recumandar?
<i>camerier:</i>	Nus vessen in fetg bien vin alv dil Grischun.
<i>Giuanna:</i>	Hmmmm... Vin hai jeu buc aschi bugen. Veis Vus era prosecco?
<i>camerier:</i>	Gie, naturalmein.
<i>Giuanna:</i>	Bien, lu vess jeu bugen in glas prosecco cun in tec glatsch.
<i>camerier:</i>	Tiptop, e per Vus?
<i>Simona:</i>	Jeu prendess bugen in glas da quei vin.
<i>camerier:</i>	Quei ei ina buna decisiun. Vus vegnis buc a star mal. E Vus, prendeis Vus era enzatgei?
<i>Ramun:</i>	Na engraziell. Jeu stoi aunc ir cun auto.
<i>camerier:</i>	Nus vein era aperitivs senza alcohol. Ni in sirup da suitga dalla casa?
<i>Ramun:</i>	Na engraziell, jeu stun bein aschia.
<i>camerier:</i>	Tiptop! Ei va mo in pign mument ...
10 minutas pli tard	
<i>camerier:</i>	Veis Vus saviu eleger?
<i>Luisa:</i>	Na, buc aunc dil tut. Veis Vus ina specialitad dalla casa?
<i>camerier:</i>	Jeu sai cusseglar a Vus carn sil crap cun differenta carn dalla regiun e bizochels en pieun. Quei fuss gest per treis persunas.
<i>Luisa:</i>	Tgei manegeis? Jeu vess queidas d'empruar quei.
<i>Ramun:</i>	Per mei ei quei bien.

<i>Giuanna:</i>	Gie, secapescha. Forsa aunc cun ina salata ordavon?
<i>camerier:</i>	Nus vessen ina salata da rampuniala ed iev e carnpiertg sco specialitad dalla casa.
<i>Luisa, Ramun, Giuanna (tuts treis confirman):</i>	Gie. / Quei ei bien. / Mhmm...
<i>camerier:</i>	Prima, lu nodel jeu quei. Vesses Vus aunc bugen in vin? Nus vein in vin tgietschen talian dalla Valpolicella che va bein aprau cun Vies menu. Duei jeu purtar quel per saver empruar?
<i>Giuanna:</i>	Gie, bugen. Quei tuna bein.
<i>camerier:</i>	Schiglioc aunc enzatgei?
<i>Ramun:</i>	Per mei aunc ina Coca-Cola, treis decis.
<i>camerier:</i>	Secapescha. Mo in mument!

Dialog 3

<i>camerier:</i>	Tgau ensemen! Tgei vesses bugen?
<i>Curdin</i>	Nus vessen bugen enzatgei dultsch. In glatsch ni ... veis Vus era pettas? Nus vein udiu ch'ei detti cheu buns desserts.
<i>camerier:</i>	Gliez ei bi dad udir. Nus vein differentas purschidas. Oz dat ei petta da meila, cornets da tschugalata e tiramisu frestg. E nus vein ina gronda carta da glatschs. Jeu portel immediat lezza.
<i>Sara:</i>	Jeu prendel in glatsch. E vus?
<i>Flurina:</i>	Jeu era.
<i>Jana:</i>	Sai buc aunc, jeu stoi mirar tgei ch'ei dat.
<i>camerier:</i>	Cheu ei la carta. Tuorta da nuschs dat ei schiglioc era aunc, gliez vein nus adina en nies sortiment.
<i>Flurina</i>	Jeu prendel in coupe Dänemark cun bia groma.
<i>Sara:</i>	Per mei duas ruclas glatsch. Ina rucla da nitscholas ed ina dad ananas.
<i>camerier:</i>	Jeu stun mal, ananas vein nus buc pli. Sai jeu purtar in'autra?
<i>Sara:</i>	Lu prendel jeu aunc ina rucla glatsch da pistazia. Cun merengua, mo senza groma.
<i>Curdin:</i>	Jeu prendel in cornet da tschugalata ed in caffè cun latg.
<i>Jana:</i>	Per mei mo ina Coca-Cola. Jeu schagel lu in tec da tiu glatsch. (<i>cun in surrir si per Flurina</i>)
<i>Flurina:</i>	(<i>di cun in surrir</i>) Jeu sai lu buc aunc, sch'jeu partel ...
<i>camerier:</i>	Engraziel fetg per las empustaziuns! Schiglioc aunc zatgei? Zatgei da beiber per las mattas?
<i>Flurina:</i>	Na, tut bien. Engraziel fetg!
<i>camerier:</i>	Mo in mument. Jeu portel gest tut ensemen.

Dialog 4

<i>camerier:</i>	Hallo! Tgei vesses Vus bugen?
<i>dunna Giossi:</i>	Hallo! Jeu hai schitgira. Hmmm.... Jeu vess bugen in'aua minerala cun borlas.
<i>camerier</i>	Ok ... Treis decis ni in miez liter?
<i>dunna Giossi:</i>	In miez liter, bugen.
<i>camerier:</i>	Ei nudau! E tgei sai jeu purtar a ti?
<i>Fadri:</i>	In sirup da puaunas. (e si per la mumma) Astgel jeu ver in toc petta da tschugalata?
<i>dunna Giossi:</i>	Gie, aber mo in pign.
<i>camerier:</i>	Prima, in pign toc petta da tschugalata per tei. Co has ti num?
<i>Fadri:</i>	Jeu hai num Fadri.
<i>camerier:</i>	In bi num! Ei quei tut ni sai jeu aunc purtar enzatgei auter?
<i>dunna Giossi:</i>	Na, quei ei tut, engraziel!
<i>camerier:</i>	Bugen. Mo in cuort mument!